

REGLUGERÐ FRAMKVÆMDASTJÓRNARINNAR (ESB) 2016/2119**2018/EES/64/19**

frá 2. desember 2016

um breytingu á reglugerð Evrópuþingsins og ráðsins (EB) nr. 471/2009 og reglugerð framkvæmdastjórnarinnar (ESB) nr. 113/2010 að því er varðar aðlögun að skránni um tollferli og skilgreiningu gagna (*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 471/2009 frá 6. maí 2009 um hagskýrslur Bandalagsins um utanríkisverslun við lönd utan Bandalagsins og um niðurfellingu reglugerðar ráðsins (EB) nr. 1172/95 ⁽¹⁾, einkum 2. mgr. 3. gr., 2. mgr. 5. gr. og 2. mgr. 6. gr.,

og að teknu tilliti til eftirfarandi:

- 1) Með reglugerð (EB) nr. 471/2009 er settur sameiginlegur rammi um kerfisbundna evrópska hagskýrslugerð fyrir vöruviðskipti við lönd utan Bandalagsins. Helsta gagnalindin fyrir þessar hagskýrslur eru gögn sem fást úr tollskýrslum. Reglugerð þessi var sett upp til að hafa hliðsjón af sértækri og nýrri einföldun á tollafgreiðslu sem hrundið verður í framkvæmd samkvæmt reglugerð Evrópuþingsins og ráðsins (EB) nr. 450/2008 ⁽²⁾ („tollalög færð til nútímahorfs“). Þetta varðaði einkum viðkomandi „sjálfsmat“ sem myndi fela í sér undanþágu frá að afhenda yfirlýsingu til tollyfirvalda og miðlæga tollafgreiðslu þegar hægt væri að uppfylla formsatriði vegna innflutnings eða útflutnings í fleiri en einu aðildarríki.
- 2) Með reglugerð Evrópuþingsins og ráðsins (ESB) nr. 952/2013 ⁽³⁾ („tollalög Sambandsins“) voru felld úr gildi tollalögin sem færð voru til nútímahorfs og frá 1. maí 2016 tollákvæðin sem kveðið er á um í reglugerð ráðsins (EBE) nr. 2913/92 ⁽⁴⁾.
- 3) Nauðsynlegt er að laga umfang hagskýrslna um utanríkisverslun að sérstakri tollmeðferð samkvæmt tollalögum Sambandsins.
- 4) Reglugerð (EB) nr. 471/2009 var hrundið í framkvæmd með reglugerð framkvæmdastjórnarinnar (ESB) nr. 113/2010 ⁽⁵⁾ og endurspeglaði tollákvæðin sem sett eru fram í tollalögnum sem færð voru til nútímahorfs. Í kjölfar fullrar framkvæmdar tollalaga Sambandsins frá og með 1. maí 2016 ættu breytingar á tollákvæðum að endurspeglast í reglugerð (EB) nr. 471/2009 og reglugerð (ESB) nr. 113/2010 að því er varðar söfnun tölfraðilegra gagna og samantekt hagskýrslna um utanríkisverslun.
- 5) Í framkvæmdarákvörðun framkvæmdastjórnarinnar (ESB) nr. 2016/578 ⁽⁶⁾ er mælt fyrir um starfsáætlunina sem um getur í 280. gr. reglugerðar (ESB) nr. 952/2013 og varðar rafrænt tollakerfi sem þróað verður samkvæmt tollalögum Sambandsins.

(*) Þessi ESB-gerð birtist í Stjtið. ESB L 329, 3.12.2016, bls. 66. Hennar var getið í ákvörðun sameiginlegu EES-nefndarinnar nr. 198/2018 frá 21. september 2018 um breytingu á XXI. viðauka (Hagskýrslugerð) við EES-samninginn (bíður birtingar).

(1) Stjtið. ESB L 152, 16.6.2009, bls. 23.

(2) Reglugerð Evrópuþingsins og ráðsins (EB) nr. 450/2008 frá 23. apríl 2008 um tollalög Bandalagsins (tollalög færð til nútímahorfs) (Stjtið. ESB L 145, 4.6.2008, bls. 1).

(3) Reglugerð Evrópuþingsins og ráðsins (ESB) nr. 952/2013 frá 9. október 2013 um tollalög Sambandsins (Stjtið. ESB L 269, 10.10.2013, bls. 1).

(4) Reglugerð ráðsins (EBE) nr. 2913/92 frá 12. október 1992 um tollalög Bandalagsins (Stjtið. EB L 302, 19.10.1992, bls. 1).

(5) Reglugerð framkvæmdastjórnarinnar (ESB) nr. 113/2010 frá 9. febrúar 2010 um framkvæmd reglugerðar Evrópuþingsins og ráðsins (EB) nr. 471/2009 um hagskýrslur Bandalagsins um utanríkisverslun við lönd utan Bandalagsins, að því er varðar þekju viðskiptanna, skilgreiningu gagna, samantekt hagskýrslna um verslun eftir fyrirtækjaeinkennum og gjaldmiðli vörureikninga, og sérstakar vörur eða hreyfingar á þeim (Stjtið. ESB L 37, 10.2.2010, bls. 1).

(6) Framkvæmdarákvörðun framkvæmdastjórnarinnar (ESB) 2016/578 frá 11. apríl 2016 um að koma á fót starfsáætlun að því er varðar þróun og útfærslu rafræna kerfa eins og kveðið er á um í tollalögum Sambandsins (Stjtið. ESB L 99, 15.4.2016, bls. 6).

- 6) Í framkvæmdarreglugerð framkvæmdastjórnarinnar (ESB) 2016/341 ⁽¹⁾ („framseldri umbreytingargerð“) er kveðið á um umbreytingarráðstafanir til að skiptast á og geyma upplýsingar milli tollyfirvaldanna sjálfra og milli tollyfirvalda og rekstraraðila þangað til þessi rafrænu kerfi verða tiltæk.
- 7) Að því er varðar tolleinföldun miðlægrar tollafgreiðslu, sem kveðið er á um í 179. gr. tollalaga Sambandsins, þarf ekki endilega að úthluta innflutningi og útflutningi sem fellur undir þetta kerfi vegna aðferðafræðilegra ástæðna, til aðildarríkis ákvörðunarstaðar eða eiginlegs útflutningsaðildarríkis, þar sem viðeigandi vöruflutningar innan Bandalagsins milli þessara aðildarríkja og aðildarríkisins þar sem vörurnar eru staðsettar þegar þær eru afgreiddar í tollferli gætu fallið betur og greinilegar undir hagskýrslur um viðskipti innan Sambandsins.
- 8) Þó ætti að breyta tölfræðilegum skilgreiningum sem varða viðkomandi aðildarríki til að auðkenna viðeigandi efnahagslegar hreyfingar í kjölfar tollafgreiðslu á innflutningi eða útflutning þar á undan.
- 9) Tölfræðilegu skilgreiningarnar fyrir þessi tilteknu aðildarríki ættu einnig að vera greinilega lagaðar að tollafgreiðslu-ákvæðunum samkvæmt miðlægrri tollafgreiðslu þegar aðeins er búið við að aðildarríkið, sem auðkennt er í tollafgreiðsluferlinu sem þátttökuaðildarríki, taki við upplýsingum um tollafgreiðslu frá aðildarríkinu sem hefur eftirlit með tollafgreiðslunni.
- 10) Breyta ætti skilgreiningum tiltekinna annarra gagnabátta til að endurspeglar breytingar sem kynntar eru í tollalögum Sambandsins í þeim tilgangi að samræma samantekt hagskýrslna um utanríkisverslun.
- 11) Því ætti að breyta reglugerðum (EB) nr. 471/2009 og (ESB) nr. 113/2010 til samræmis við það.
- 12) Ráðstafanirnar sem kveðið er á um í þessari reglugerð eru í samræmi við álit hagskýrslunefndar um vöruviðskipti við lönd utan Sambandsins.

SAMÞYKKT REGLUGERÐ ÞESSA:

1. gr.

Í stað 1. mgr. 3. gr. reglugerðar (EB) nr. 471/2009 komi eftirfarandi:

„1. Í hagskýrslum um utanríkisverslun skal skrá innflutning og útflutning vara.

Aðildarríki skulu skrá útflutning fari svo að vörur yfirgefi hagskýrslusvæði Bandalagsins

a) í samræmi við eitt af eftirfarandi tollferlum sem mælt er fyrir um í reglugerð Evrópuþingsins og ráðsins (ESB) nr. 952/2013 (*) („tollalög Sambandsins“):

— útflutningur,

— ytri aðvinnsla,

b) við beitingu 258. gr. tollalaga Sambandsins,

c) við beitingu 3. mgr. 269. gr. tollalaga Sambandsins,

d) við beitingu 270. gr. tollalaga Sambandsins um að losa tollferli innri aðvinnslu.

Aðildarríki skulu skrá innflutning sinn komi til þess að vörur komi til hagskýrslusvæðis Bandalagsins í samræmi við eitt af eftirfarandi tollferlum sem mælt er fyrir um í tollalögum Sambandsins:

a) afgreiðsla í frjálst flæði, þ.m.t. endanleg notkun,

b) innri aðvinnsla.“

(*) Reglugerð Evrópuþingsins og ráðsins (ESB) nr. 952/2013 frá 9. október 2013 um tollalög Sambandsins (Stjttíð. ESB L 269, 10.10.2013, bls. 1).

(1) Framseld reglugerð framkvæmdastjórnarinnar (ESB) 2016/341 frá 17. desember 2015 um viðbætur við reglugerð Evrópuþingsins og ráðsins (ESB) nr. 952/2013 að því er varðar umbreytingarreglur varðandi tiltekin ákvæði tollalaga Sambandsins þegar viðeigandi rafræn kerfi eru ekki enn tiltæk og um breytingu á framseldri gerð (ESB) 2015/446 (Stjttíð. ESB L 69, 15.3.2016, bls. 1).

2. gr.

Reglugerð (ESB) nr. 113/2010 er breytt sem hér segir:

1) Ákvæðum 4. gr. er breytt sem hér segir:

a) Í stað fyrstu undirgreinar 1. mgr. komi eftirfarandi:

„Byggja skal hagskýrsluvirðið á virði varanna á þeim tíma og stað þar sem þær fara yfir landamæri aðildarríkisins þar sem vörurnar eru staðsettar þegar þær eru afgreiddar í tollferli, með því að koma þar inn (innflutningur) eða fara þaðan (útflutningur).“

b) Í stað 4. mgr. komi eftirfarandi:

„4. Breyta skal virðinu sem um getur í 2. og 3. mgr. þegar þörf er á, þannig að hagskýrsluvirðið feli einungis og algjörlega í sér kostnað við að flytja og tryggja sem viðkemur því að flytja vörur frá staðnum þaðan sem þær fara af stað til landamæra aðildarríkisins þar sem vörurnar eru staðsettar þegar þær eru afgreiddar í tollferli (CIF-tegund af virði á innflutningi, FOB-tegund af virði á útflutningi).“

2) Í stað 3. og 4. mgr. 6. gr. komi eftirfarandi:

„3. Eftirfarandi skal gilda um innflutning:

Aðildarríkið þar sem vörurnar eru staðsettar þegar þær eru settar í tollferli skal vera aðildarríki ákvörðunarstaðar þegar vörurnar eru afgreiddar í frjálst flæði eða settar undir málsmeðferð endanlegrar notkunar. Ef vitað er, þegar tollskýrslan er samin, að vörurnar verði fluttar til annars aðildarríkis eftir afgreiðslu skal síðara aðildarríkið þó vera aðildarríki ákvörðunarstaðar.

Aðildarríki ákvörðunarstaðar skal vera aðildarríkið þar sem fyrsta vinnsla á sér stað þegar vörur eru afgreiddar í tollferli innri aðvinnslu.

Aðildarríki ákvörðunarstaðar, með fyrirvara um 1. og 2. undirgrein þessarar málsgreinar að því er varðar gagnasendinguna sem um getur í 2. mgr. 7. gr. reglugerðar (EB) nr. 471/2009, fyrir gagnaskiptin skal vera aðildarríkið þar sem vörurnar eru staðsettar þegar þær eru afgreiddar í tollferli.

4. Eftirfarandi skal gilda um útflutning:

Eiginlegt útflutningsaðildarríki skal vera aðildarríkið þar sem vörurnar eru staðsettar þegar þær eru afgreiddar í tollferli.

Ef vitað er til að vörurnar hafi verið fluttar frá öðru aðildarríki til aðildarríkisins þar sem vörurnar eru staðsettar þegar þær eru afgreiddar í tollferli, skal þetta annað aðildarríki þó vera hið eiginlega útflutningsaðildarríki, að því tilskildu að

- i. vörurnar hafi komið frá þessu öðru aðildarríki einungis í þeim tilgangi að gefa þær upp til útflutnings og
- ii. að útflytjandi sé ekki með staðfestu í aðildarríkinu þar sem vörurnar eru staðsettar þegar þær eru afgreiddar í tollmeðferð og
- iii. að koma þeirra til aðildarríkisins þar sem vörurnar eru staðsettar þegar þær eru afgreiddar í tollferlið hafi ekki verið öflun vara innan Sambandsins eða viðskipti sem hljóta slíka meðferð, eins og um getur í tilskipun ráðsins 2006/112/EB (*).

Í kjölfar þess að vörur eru fluttar út eftir tollferli innri aðvinnslu skal aðildarríkið þar sem síðasta vinnsla átti sér stað vera hið eiginlega útflutningsaðildarríki.

Eiginlegt útflutningsaðildarríki, með fyrirvara um 1., 2. og 3. undirgrein þessarar málsgreinar að því er varðar gagnasendinguna sem um getur í 2. mgr. 7. gr. reglugerðar (EB) nr. 471/2009, fyrir gagnaskiptin skal vera aðildarríkið þar sem vörurnar eru staðsettar þegar þær eru afgreiddar í tollferli.“

(*) Tilskipun ráðsins 2006/112/EB frá 28. nóvember 2006 um sameiginlega virðisaukaskattkerfið (Stjrtð. ESB L 347, 11.12.2006, bls. 1).

- 3) Í stað annarrar undirgreinar í 2. mgr. 7. gr. komi eftirfarandi:

„Við innflutning skulu gögnin um sendingar-/afgreiðsluland tilgreina aðildarríkið eða landið utan Sambandsins, þaðan sem vörurnar voru upphaflega sendar til aðildarríkisins þar sem þær eru staðsettar þegar þær eru settar í tollferlið, ef hvorki viðskiptin (t.d. sala eða meðferð) né stöðvun sem ekki tengist flutningi vara hafa átt sér stað í aðildarríki þar sem vörurnar koma við eða landi utan Sambandsins. Gögnin skulu greina frá síðasta aðildarríki eða landi utan Sambandsins þar sem vörurnar komu við, ef slík stöðvun eða viðskipti hafa átt sér stað.“

- 4) Í stað 13. gr. komi eftirfarandi:

„13. gr.

Auðkenning viðskiptaaðila

Gögn um viðskiptaaðila skulu vera viðeigandi auðkennisnúmer sem er úthlutað til innflytjandans við innflutning og útflytjandans við útflutning“.

- 5) Í stað annars málslíðar 4. mgr. 15. gr. komi eftirfarandi:

„Yfirvöldin sem eru ábyrg fyrir að úthluta skráningar- og auðkennisnúmerinu (EORI-númerinu) til rekstraraðila skulu, að ósk innlendra hagskýrsluyfirvalda, veita aðgang að gögnum sem tiltæk eru í rafræna kerfinu og varða EORI-númerið, eins og um getur í 7. gr. framkvæmdarreglugerð framkvæmdastjórnarinnar (ESB) 2015/2447 (*).“

(*) Framseld reglugerð framkvæmdastjórnarinnar (ESB) 2015/2447 frá 24. nóvember 2015 um ítarlegar reglur varðandi framkvæmd tiltekinna ákvæða reglugerðar Evrópuþingsins og ráðsins (ESB) nr. 952/2013 um tollalög Sambandsins (Stjtið. ESB L 343, 29.12.2015, bls. 558).

3. gr.

Gildistaka

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 2. desember 2016.

Fyrir hönd framkvæmdastjórnarinnar,

Jean-Claude JUNCKER

forseti.
